



## Vita de ploania y de paisc

- **Romenun sō nosc païsc:** le comun, i jogn y les uniuns de paisc envieia y preia der bel dōta la jont d'La Plí da tó pert al **de dal ambiont, en sabeda ai 8 de ma.** I s'encuntun ales 8:30 te plaza d'La Pli, olache i se partiarun sō te deplū grups. I jarun tles viles, do strada y tai bosc a cheie sō le ciomont. La òna sará düc bel envies a na bona marena. Al é ora da ciaré de nosta natōra y da fa val' por nosc paisc.



## Enformaziuns y termins

**Sorvisc ai Jogn:** le SaJ Val Badia lascia alessi che les iscriziuns al **proiet JABA** (dai 13 ai 19 agn) peia endō ia ai 4 de ma te Sorvisc ai Jogn a Picolin o tal Zenter dla Joneza SaJ.un a La Ila. Jogn y jones co n'á nia ciomó arjunt la majera eté mess gní acompagnés da n genitur. Le cost d'iscriziun é de 2,00 €.

**Tesc nasai ince te nosc comun, sen adöm ala apoteca d'Al Plan:** l'apoteca Karbacher d'Al Plan adöm al Comun de Mareo organiseia i tesc nasai dantadöt por dōta la popolaziun de Mareo. I tesc é debann. I podeis passé te apoteca dertan l'orar de daurida. Al ven tut denant chi co se prenoteia sot al ☎ 0474 501240. Sce i eis debojügn da organisé en maiú numer de tesc, sará l'apoteca a dispoziziun. Preitambel scriéde fora denant le formular, "*Formular Antigen Nasenflügeltest*" che i podeis se descárié jō dla plata internet de Comun (<https://www.comun.mareo.bz.it>), y toléssal empara. Liéde ince l'enformativa sōn la privacy ("*Information*"). I tesc ven fac dertan l'orar de daurida dla apoteca dal 26 d'aorí ennant dales 8:15 ales 12:15 y dales 15:00 ales 18:00 y tal mens de ma düc i dis dal lōnesc ala sabeda (dedemesaledema y sabeda ma danmisdé!).

**Ein jeder Mensch macht Gott Freude,  
wenn er sich vom  
guten Hirten  
suchen und finden lässt.**

*Philipp Matthäus Hahn*

**Döt le bun a:** Maria Obermair Stefani, *Leifers* \* 25.04.1938  
Rita Burchia Zambon, *Milano* \* 27.04.1939  
Hubert Obojes, *San Ciascian* \* 29.04.1946  
y a düc chi co á santennom y complesc i agn cōst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le **dedemesaledema** sera a Franz Rigo, ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas  
✉ [ksottsas@rolmail.net](mailto:ksottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann B

25.04.2021 - Cuarta domegna de Pasca

n. 22

## Le bun famei

📖 **St.Ap 4, 8–12 | 1 Jan 3, 1–2 | Jan 10, 11–18**

### Dal Vangelo do San Jan:

Te chel tomp á Gejú dit: <sup>11</sup>Iu sun le bun famei. Le bun famei dá ca sōa vita por les biesces. <sup>12</sup>Le fant tut sō a paiamont endere, co ne n'é nia famei y de chel che les biesces ne n'é nia, lascia les biesces sores y s'an sciampa canch'al veiga gnenn le lu; le lu les scherza y les sprígora endalater. Al s'an sciampa, <sup>13</sup>ciodi ch'al é ma n fant a paiamont y ciodiche les biesces ne ti an val nia. <sup>14</sup>Iu sun le bun famei; iu conesci i mi, y i mi conesc me, <sup>15</sup>desche le Pere conesc me y iu conesci le Pere; y iu dá ca mia vita por les biesces. <sup>16</sup>I á ciomó d'atres biesces, co n'é nia fora de cōsta stala; ince cheres messi condü y ares ascutará mia usc; spo sarál ma önn n pastorec y önn n famei. <sup>17</sup>Porchel m'ól bun le Pere, deache iu dá ca mia vita, por la tó endō derevers. <sup>18</sup>Degügn ne m'la tol, mo i la dá ca de mia bona. I á la potesté de la dé ca, y i á la potesté de la tó endō. Cōsta misciun á ciagé da mio Pere.

**I ponsun do:** *Trepes porsones é loades sō por se mostré potentes y insuperables. Por sōes ideas ares á fat morí miliuns de porsones. L'unich co á veramonter potenza n'á nia lascé morí i atri por sū proiec. El enstes é mort por che i atri pói vire: desco bun famei á Gejú dé ca la vita por sōes biesces. Cōsc se dá la forza da realisé con fedelté nosc compit de vita y da se porté ete ince por d'atri.*

**I periun:** *Dio fedel, desco bun famei á to Fi dé ca la vita por nos. En cōsc de mondial d'oraziun do vocaziuns spirituales te periunse: dassé porsones co fistidiea, desco to Fi, da bogn fameis por les animes. Por Crist, nosc Signur.*

Vesco Wilhelm Egger "*Sonntagsbibel*"



📖 **Letōres dla Quinta domegna de Pasca:**

**St.Ap 9, 26–31 | 1 Jan 3, 18–24 | Jan 15, 1–8**

## Edema liturgica dai 25.04. ai 02.05.2021

<b>DOM 25.</b>	<b>Cuarta domegna de Pasca DE MONDIAL D'ORAZIUN POR LES VOCAZIUNS</b>	<i>Merch evangelist, Hermann, Franca, Erwin</i>
<b>08:30</b>	<b>gran messa</b> por dōta la ploania <b>s.m.</b> por †† Siegfried y Berta Frontull, Janin	<i>oferta por la ploania</i>
<b>→ 14:00</b> 10:00	<b>a Pliscia s.m. en onú de San Iorz</b> <i>s.m. a Al Plan</i>	
<b>Lön 26.</b>	<i>Maria dal Bun Consei, Maria Consuelo, Cleto, Helene</i> 18:00 <i>s.m. a Al Plan</i>	
<b>Ded 27.</b>	<i>Pire Canisius, Zita</i> <b>07:30 s.m.</b> por † signor Merch Graffonara, ploan <b>s.m.</b> por les Püres Armes	
<b>Dem 28.</b>	<i>Pire Chanel, Ludwig Maria Grignon de Montfort</i>	
<b>Jöb 29.</b>	<b>fiesta de Santa Caterina da Siena</b> (patrona d'Europa), Roswita, Robert <b>19:30 s.m.</b> por na porsona amarada <b>s.m.</b> por †† Kehrer, Costamesana	
<b>Ven 30.</b>	<i>Pio V., Hildegard, Rosamunde, Bernhard</i> 07:30 <i>s.m. a Al Plan</i>	
<b>Sab 01.</b>	<b>Sant'Ojep laurant</b> , Augustin, Arnold, Maximilian <b>07:30 s.m.</b> en onú de Sant'Ojep por les families Konrater, Biei defora <b>s.m.</b> por vis y †† de Mareo 18:00 <i>s.m. prefestia a Al Plan</i>	
<b>DOM 02.</b>	<b>Cuinta domegna de Pasca de San Florian</b>	<i>Atanase, Sigismund oferta por la ploania</i>
<b>08:30</b> 10:00	<b>gran messa</b> en onú de San Florian por la ploania y por i Stödäfus <b>s.m.</b> por † Canzio Willeit, Blaje <i>s.m. a Al Plan</i>	<i>♫ grup dla Musiga</i>
<i>ampola:</i>	do entenziun de na familia	
<i>ministronc:</i>	<ul style="list-style-type: none"> <li>• <b>dedolönesc y sabeda:</b> Emma E. y Valentina</li> <li>• <b>jöbia y domegna:</b> Armin y Moses</li> </ul>	
<i>i recordun:</i>	Maria Trebo Wilhelm, Paisc Todesc Zezilia Frontull ved. Rungger, Al Plan	† 30.04.2015 † 30.04.2020



## Oraziun do vocaziuns

Signur Gejú Crist, t'as cherdé ei y eres, jogh y vedli, püri y ric, ch'ai te vegni do y arjunji ensciö la vita.

Tres te rengraziunse le Pere tal Spirit Sant: ch'al é entres danö porsones co ciafa tal bato y tla confirmaziun to Spirit y co ven, desco fis de Dio, renforzès por so compit tla Dlijia y tal monn.

I te periun por la Dlijia de nosta diozeja: no lascé ch'ara se desmonci söa enciaria da sostegní i credenc te söa vocaziun y da daidé i jogh da odei ete cara co é söa cherdada.

Signur, tö sas de ci che i án debojügn: che al nes vegni encündé le vangelo, ch'i podunse sontí töa presenja t'l'Eucaristia y tai atri sacramonc.

Signur, i te periun con döt le cör:

Scinchesse prei co encündi töa parora sot all'inspiraziun dal Spirit Sant, co ti stái dlungia ai püri y ai amarés, ai profugs y ai desprijés, co condüji söle der tru les comunités y santificheii le popul de Dio. Deidi da ti mantegní la fedelté a söa vocaziun. Deache tö es le famei de to popul, tö es nosta speranza por dagnora. Amen

Santa Maria, Oma de Dio, preia por nos!  
Sanc patrons de nosta diozeja Ciascian y Feghile, periede por nos!

Düc os sanc y beac de nosta diozeja, periede por nos!



## “Con Ojep da Nazaret fora por cösc ann y fora por nosta vita” (2)



### Ojep, compagn de iade y interzessur

Con le passé dai secui é Sant Ojep gnü patron por trepes intenziuns – n segn che an ti á devoziun y che al é bunorü. Trepes eres y trec ei sora döt le monn le venereia desco so santennom. Te Südtirol é Ojep le ennom da el co ven dant le plü gonot.

**Envocun Ojep desco patron de dōta la Dlijia:** por che i se tignunse desco Dlijia ala Parora de Dio; por che nos desco Dlijia cuntunse veramonter sön Gejú y so vangelo, sön ci che al se damana, sön söa orenté, sön so mister. Ara se trata de SÖA Dlijia, nia de na Dlijia do nosta orenté y nüsclans. La Dlijia ne n'é degün partí y degüna firma. Ara é “segn y stromont” (Conzil Vatican II) y dess tigní via la domanda do Chel Bel Dio sön cōsta tera. Nos sun cherdés da ester na Dlijia miscionara co ne se roda nia encer se enstessa. Porchel periun ma gonot por interzesciun de Sant Ojep: Signur, endespra töa Dlijia y met man pa me!